



REPUBLIKA E SHQIPËRISË
AGJENCIA E PROKURIMIT PUBLIK
DREJTORIA JURIDIKE DHE E MONITORIMIT TË PROCEDURAVE

Nr. 6470 Prot.

Tiranë, më 04 . 10 . 2024

SJELLJE NË VËMENDJE

Drejtuar: Autoriteteve/Enteve Kontraktore

Nisur nga një analizë që ka bërë Operatori i Blerjeve të Përqendruara (në vijim “OBP”), e cila është përcjellë si problematikë pranë Agjencisë së Prokurimit Publik (në vijim “APP”), mbi procedurat e prokurimit që zhvillon ky institucion për autoritetet kontraktore përfituese, ku ka rezultuar se, përllogaritja e vlerës së parashikuar të prokurimit në shumicën e rasteve bazohet vetëm tek alternativa e çmimeve të kontratave të mëparshme, duke sjellë anulimin e procedurave të prokurimit, pasi vlera e përllogaritur nuk është një vlerë koherente për tregun, **APP sjell në vëmendje, si më poshtë vijon:**

Procesi i përllogaritjes së vlerës së parashikuar të prokurimit është një hap mjaft i rëndësishëm në procesin e prokurimit publik dhe për këtë qëllim, kjo vlerë duhet të jetë sa më koherente me kushtet e tregut, për të rritur pjesëmarrjen dhe konkurrencën e operatorëve ekonomikë në procedurat e prokurimit.

Për këtë qëllim, autoritetet/entet kontraktore duhet të mbajnë në konsideratë parashikimet e nenit 34 të Ligjit Nr. 162/2020 “Për prokurimin publik”, të ndryshuar (në vijim “LPP”), si dhe nenit 76 të VKM Nr. 285/2021 “Për miratimin e rregullave të prokurimit publik”, të ndryshuar, ku parashikohen disa alternativa për përllogaritjen e vlerës së parashikuar të prokurimit.

Gjithashtu, përpara se të niset një procedurë prokurimi, referuar edhe parashikimeve në nenin 35/1 të LPP, autoritetet/entet kontraktore mund të studiojnë paraprakisht tregun, me qëllim që të përgatisin prokurimin dhe të informojnë operatorët ekonomikë për planet dhe kërkesat e tyre për prokurim.

Legjislacioni i prokurimit publik njih disa alternativa për përllogaritjen e vlerës së parashikuar të prokurimit, konkretisht, në nenin 76, pika 1, të VKM, parashikohet se: “Në përllogaritjen e vlerës limit të kontratës, autoriteti/enti kontraktor duhet t’i referohet një ose më shumë alternativave të renditura, si më poshtë vijon:

- a) çmimet e botuara nga Instituti i Statistikave (INSTAT), ose/dhe çmime të tjera zyrtare, të njohura nga institucionet përkatëse (si për shembull, nga organet tatimore a doganore, dhomat e tregtisë, në manuale etj.); ose/dhe
- b) studimit të tregut, bazuar në mesataren e çmimeve të marra nga ky studim; ose/dhe
- c) çmimet e kontratave të mëparshme, të realizuara nga vetë apo nga autoritete të tjera kontraktore; ose/dhe

c) *çmimet ndërkombëtare të shpallura publikisht*".

Sipas kësaj dispozite ligjore, autoriteti/enti kontraktor për përlogaritjen e vlerës së prokurimit mund t'i referohet një ose me shumë alternativave të mësipërme.

Sa më sipër, sjellim në vëmendje që, për përlogaritjen e vlerës së limit të kontratës, në varësi dhe të objektit të prokurimit, autoritetet/entet kontraktore të mbajnë në konsideratë alternativat e sipërcituara, me qëllim që, vlera e përlogaritur të jetë sa më reale me çmimet e tregut, duke nxitur kështu pjesëmarrjen dhe konkurrencën e operatorëve ekonomikë në procedurat e prokurimit publik, sikurse është edhe qëllimi i LPP dhe shmangien e anulimit të procedurave të prokurimit, e cila passjell edhe rritjen e kostove administrative.

Duke ju falënderuar,

DREJTOR I PËRGJITHSHËM

Reida Kashta

